

ხელშეკრულება
სახელმწიფო შესყიდვების შესახებ №01-03-13

ქ. თბილისი

30 იანვარი, 2020 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი დირექტორის ბერიკა შუკაკიძის სახით;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22

მიმწოდებელი: შპს „ენერჯი გრუპ“, წარმოდგენილი მისი დირექტორის ლევან ბოლქვაძის სახით;

იურიდიული მისამართი: ქ. თბილისი, დიღმის მასივი, IV კვარტალი, კორპუსი N4, ბინა N36;

საიდენტიფიკაციო კოდი: 402038530;

საბანკო რეკვიზიტები: სს „ბაზის ბანკი“, კოდი: CBASGE22, ა/ა: GE23BS0000000001336603

ერთის მხრივ შემსყიდველი და მეორეს მხრივ მიმწოდებელი, ჩატარებული ელექტრონული ტენდერის (აუქციონის გარეშე, ტენდერის NAT200000346) შედეგად, ვდებთ წინამდებარე ხელშეკრულებას.

მუხლი 1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2 ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.

1.3 ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანს წარმოადგენს ღონისძიების ორგანიზების მომსახურება, რომლის დეტალური მახასიათებლები მოცემულია ხელშეკრულების დანართი N1-ში (*CPV79952000 - ღონისძიებების ორგანიზება*).

მუხლი 3. ხელშეკრულების ღირებულება

3.1 შესასყიდი ობიექტის ფასი განისაზღვრება ეროვნულ ვალუტაში;

3.2 ხელშეკრულების ჯამური ღირებულება შეადგენს **8437** (რვა ათას ოთხას ოცდაჩვიდმეტი) ლარს;

3.3 ხელშეკრულებით გათვალისწინებული მომსახურების ერთეულის ფასები მოცემულია ხელშეკრულების დანართ N1-ში;

3.5 ხელშეკრულების ჯამური ღირებულება მოიცავს მიმწოდებლის ყველა ხარჯს, მათ შორის კანონმდებლობით გათვალისწინებულ ყველა გადასახადს (დღგ-ს ჩათვლით);

3.6. დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის სახელმწიფო ბიუჯეტის სახსრებით, (პროგრამული კოდი: 32 02 02 02, მასწავლებლის პროფესიის პოპულარიზაციის პროგრამა).

მუხლი 4. შესასყიდი ობიექტის ხარისხი

4.1. მიმწოდებელი პასუხისმგებლობას კისრულობს, რომ გაწეული მომსახურება შეესაბამება ხელშეკრულების პირობებს.

4.2 მიმწოდებელი აცხადებს, რომ გაწეული მომსახურება იქნება უნაკლო.

მუხლი 5. გასაწევი მომსახურების ვადა, ადგილი და პირობები

- 5.1. მომსახურების გაწევის ვადა: 2019 წლის 14 თებერვალი.
- 5.2. მომსახურების გაწევის ადგილი: ღონისძიების გამართვის ადგილია - საქართველოს განათლების, მეცნიერების, კულტურის და სპორტის სამინისტრო, ქ. თბილისი, დიმიტრი უზნაძის N52.

მუხლი 6. შესასყიდი ობიექტის მიღება-ჩაბარების წესი

- 6.1. შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების კეთილსინდისიერად შესრულებას;
- 6.2. თუ აღმოჩნდება, რომ შესყიდვის საგანი უხარისხო ან/და ნაკლოვანია მიმწოდებელი უზრუნველყოფს უხარისხო საქონლის შეცვლას;
- 6.3 შესყიდვის ობიექტის მიღება-ჩაბარება გაფორმდება ერთიანად, შემსყიდველისა და მიმწოდებლის უფლებამოსილი წარმომადგენლების მიერ;
- 6.4. მიღება-ჩაბარების აქტზე ხელმოწერის უფლებამოსლება ენიჭება სსიპ - მასწავლებელთა პროფესიული განვითარების ეროვნული ცენტრის საერთაშორისო ურთიერთობებისა და სტრატეგიული კომუნიკაციის სამსახურის უფროსის მოადგილეს - ლევან ჟორჟოლიანს.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;
- 7.3 საავანსო გადახდა არ გამოიყენება.

მუხლი 8. მხარეთა უფლება-მოვალეობანი

- 8.1. „შემსყიდველი“ ვალდებულია:
 - 8.1.1 ხელშეკრულებით გათვალისწინებული ობიექტის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;
 - 8.1.2 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ მომსახურების ღირებულება.
- 8.2. „შემსყიდველს“ უფლება აქვს:
 - 8.2.1 შეამოწმოს მიწოდებული შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
 - 8.2.2. მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;
 - 8.2.3. მოთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;
 - 8.2.4. მოთხოვოს მიმწოდებელს ნაკლოვანი ან უხარისხო შესყიდვის ობიექტის შეცვლა ან ნაკლის აღმოფხვრა.
- 8.3. „მიმწოდებელი“ ვალდებულია:
 - 8.3.1. დაიცვას ხელშეკრულებით გათვალისწინებული ყველა პირობა;
 - 8.3.2. გადასცეს შემსყიდველს ამ ხელშეკრულების მე-2 მუხლში აღნიშნული შესყიდვის ობიექტი საკუთრებაში;

8.3.3. ხელშეკრულებით გათვალისწინებული შესყიდვის ობიექტი მიწოდებისას აცნობოს შემსყიდველს ყველა განსაკუთრებული გარემოების შესახებ;

8.3.4. აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5. საკუთარი ხარჯებით შეცვალოს შემსყიდველის მიერ გამოვლენილი უხარისხო შესყიდვის ობიექტი ან აღმოფხვრას არსებული ნაკლი;

8.3.6. წარუდგინოს შემსყიდველს მიწოდებულ შესყიდვის ობიექტის დაკავშირებული სრული დოკუმენტაცია.

8.4. „მიწოდებელს“ უფლება აქვს:

8.4.1. მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით;

8.4.2. მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

8.4.3. მოითხოვოს იმ ზიანის ანაზღაურება, რაც გამოწვეულია შემსყიდველის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი ვადაგადაცილებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1. „შემსყიდველის“ წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;

10.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის აღმოფხვრა;

10.3. ხელშეკრულებით განსაზღვრული პირობების კონტროლს განახორციელებს სსიპ – მასწავლებელთა პროფესიული განვითარების ეროვნული ცენტრის „მასწავლებლის პროფესიის პოპულარიზაციის პროგრამის“ ხელმძღვანელი ეკა შარაშენიძე.

მუხლი 11. ხელშეკრულების შეწყვეტა

11.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

- 11.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.4.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.4.2. მიმწოდებლის გაკოტრების შემთხვევაში;
- 11.4.3. საქართველოს კანონმდებლობით გათვალისწინებულ სხვა შემთხვევებში;
- 11.5. ამ მუხლის 11.4. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

მუხლი 12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;
- 12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორს-მაჟორი.

- 13.1. მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორს-მაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვა;
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2020 წლის 30 აპრილის ჩათვლით.

მუხლი 15. დავები და მათი გადაწყვეტის წესი

- 15.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2. თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

- 16.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3. მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4. წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5. წინამდებარე ხელშეკრულება არ შეიცავს რაიმე სიტყვიერ დამატებას;
- 16.6. მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.7. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.8. ხელშეკრულება შედგენილია ელექტრონულად, გამოყენებულია ელექტრონული ხელისმოწერა ან/და შტამპი;
- 16.9. ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

შემსყიდველი:

სსიპ – მასწავლებელთა პროფესიული განვითარების
ეროვნული ცენტრი



ბერიკა შუაკვიძე
დირექტორი

მიმწოდებელი:

შპს „ენერჯი გრუპ“

გამოყენებულია
ელექტრონული ხელისმოწერა
ლევან ბოლქვაძე

მომსახურების ხარჯთაღრიცხვა

დანართი N1

N	დასახელება	პარამეტრები	განვ.	რაოდ.	ერთეულის ღირებულება (ლარი, დღგ-ს ჩათვლით)	საერთო ღირებულება (ლარი, დღგ-ს ჩათვლით)
ლონისძიებისთვის საჭირო ინვენტარი						
1	ჯილოდო - ორგანიზაციის სადგომი	<p>მასალა: ორგანიზაციის საგარეულო ზომები: სიგანე 12სმ, სიმაღლე 15სმ; გრაფიკების ფერი: ფერადი ან ვერცხლისფერი (შემსყიდველთან შეთანხმებით); გრაფიკების ფორმატი: ფერადი ლოგო და წარწერა (შემსყიდველთან შეთანხმებით).</p>	ცალი	3	177.00	531.00
2	პრეს ბანერი	<p>ზომა: 3მX4მ. რეკონის კონსტრუქციით ბანერის დასაკიდებლად/გადასაჭიმად. მიმწოდებლის მიერ უნდა განხორციელდეს ბანერის მონტაჟი და დემონტაჟი ლონისძიების ადგილზე. მასალა: ვინილი, ფერადი (CMYK 4+0).</p>	ცალი	1	1121.00	1121.00
ლონისძიებისთვის საჭირო მომსახურება						
3	მომენტალური ფოტოს დანადგარით მომსახურება	<p>მომენტალური ფოტოს დანადგარით (სენსორულ კვანძზე დილაკის დაჭერით ფოტოს ბეჭდვა) მომსახურება 2 საათის განმავლობაში; ფოტოების გადაღების ლიმიტი: ულიმიტი; ფოტოების ადგილზე დაბეჭდვის ლიმიტი: 200 ცალი ფოტო; შესამღებელი უნდა იყოს ფოტოების გადაგზავნა ელექტრონულ ფოსტაზე.</p>	საათი	2	590.00	1180.00
4	ლაივსტრიმი	<p>ლონისძიების livestream-ით უზრუნველყოფა ტექნიკურად. ლაივსტრიმი უნდა განხორციელდეს Facebook-ის გვერდზე. გადაღება უნდა განხორციელდეს 3 (სამი) ცალი პროფესიონალური კამერით, HD ხარისხით, ციფრული ხმის მიწოდებით.</p>	საათი	2	413.00	826.00

5	განათების მომსახურება	<p>სცენის განათება/მინათება ცენტრალურ დარბაზში (სცენის სატელევიზიო განათება 2 კილოვატი); განათება ლურჯი; სულ 2 განათების აპარატი ე.წ. "პროექტორი".</p> <p>ღონისძიების დღეს მიმწოდებელმა უნდა უზრუნველყოს განათებასთან დაკავშირებით შესაბამისი პერსონალის წარმოდგენა, რომელიც უზრუნველყოფს მომსახურების შეუფერხებლად განხორციელებას.</p>	2	531.00	1062.00
6	Led (დოღური) ეკრანით მომსახურება	<p>ზომა: 30X50-ზე (15 კვმ ფართობის) დოღური ეკრანი; LED ეკრანის დიოდებს შორის ინტერვალი pixel pitch 2 მმ; LED ეკრანის SMD მოდული 3 in1; LED ეკრანის რეზოლუცია 112896 პიქსელი/კვ.მ. LED ეკრანის ფერების რაოდენობა 16 მილიარდი ; LED ეკრანის კადრის სიხშირე 3840 Hz; ჰორიზონტალური ხედვის კუთხე 160 ° ; სიკაშკაშე არანაკლებ 1200 კანდელი/ კვ.მ. LED ეკრანის სეგმენტის ზომა 500X500 მმ;</p> <p>ეკრანი უნდა იყოს ფერმაზე დამაგრებული და განთავსდეს დარბაზში; ეკრანს თან უნდა ახლდეს სამართავი პულტი, აღჭურვილი უნდა იყოს ყველა იმ სჭირო ტექნიკით, რაც საჭიროა შეუფერხებლად მუშაობისთვის.</p> <p>აღნიშნულ ეკრანზე უნდა გავიდეს ლაივი და ასევე პრეზენტაციები. ღონისძიების დღეს მიმწოდებელმა უნდა უზრუნველყოს ეკრანთან დაკავშირებით შესაბამისი პერსონალის წარმოდგენა, რომელიც უზრუნველყოფს მომსახურების შეუფერხებლად განხორციელებას.</p>	15	247.80	3717.00
სულ ჯამი				8437.00	

შემსყიდველი:
სსიპ – მასწავლებელთა პროფესიული განვითარების
ეროვნული ცენტრი



[Handwritten Signature]
ბერიკა შუკაკიძე
დირექტორი


მიმწოდებელი:
შპს „ენერჯი გრუპ“

გამოყენებულია
ელექტრონული ხელისმოწერა
ლევან ბოლქვაძე

ჩვენ ქვემოთ ხელის მომწერნი, ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმოწერ ვადასტურებთ, რომ 2020 წლის 30 იანვრის N01-03-13 ხელშეკრულების ფარგლებში მიმწოდებელთან არ ვიმყოფებით ინტერესთა კონფლიქტში.

ვიზირება:

სსიპ – მასწავლებელთა პროფესიული განვითარების ეროვნული ცენტრის დირექტორის მოადგილე


დავით ხვედელიძე

ვიზირება:

სსიპ – მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის უფროსი


ია ძევისაური


შემსრულებელი:

სსიპ – მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის შესყიდვების მენეჯერი


მაია კვარაცხელია

შეთანხმებაზე ხელმომწერი პირი:

სსიპ – მასწავლებელთა პროფესიული განვითარების ეროვნული ცენტრის დირექტორი


შერთკა შუკაკიძე